



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-463-2/22**

Datum: **20.10.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica, «BN TRANSPORT» d.o.o. Zavidovići za donošenje rješenja o vodnoj saglasnosti za aktivnost vađenja materijala iz korita rijeke Krivaje na lokalitetu «MZ Brezik-uzvodno i nizvodno od lokalnog mosta», grad Zavidovići, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

RJEŠENJE **o vodnoj saglasnosti**

1. Pravnom licu, «BN TRANSPORT» d.o.o. Zavidovići, daje se vodna saglasnost za aktivnost vađenja materijala iz korita rijeke Krivaje na lokalitetu «MZ Brezik-uzvodno i nizvodno od lokalnog mosta», grad Zavidovići, prema tehničkoj dokumentaciji:
 - *Elaborat – Eksploatacija riječnog materijala iz korita rijeke Krivaje na lokalitetu MZ Brezik u neposrednoj blizini mosta preko rijeke Krivaje, urađen od strane «SENDO» d.o.o. Sarajevo (broj: 501-08—i/22, august 2022. godine),*a u cilju ostarivanja prava na vađenje materijala u približnoj količini od 7.553m³ na dijelu zemljišnih čestica označenih kao k.č. broj: 3848/1 K.O. Hajdarevići i k.č. broj 1762 K.O. Krivaja, grad Zavidovići, dodijeljenog Ugovorom broj: 30-652-58/22 od 02.08.2022. godine.
2. Vodna saglasnost se izdaje na određeno vrijeme i prestaje važiti 31.12.2022. godine, a sve u skladu sa članom 9. Ugovora broj: 30-652-58/22 zaključenog dana 02.08.2022. godine između «Agencije za vodno područje rijeke Save» Sarajevo i pravnog lica «BN TRANSPORT» d.o.o. Zavidovići.
3. Ova vodna saglasnost se odnosi isključivo na aktivnosti obrađene kroz Elaborat naveden u tački 1. dispozitiva Rješenja.
4. Vodna saglasnost se donosi na osnovu utvrđenog činjeničnog stanja i dostavljene tehničke dokumentacije iz tačke 1. dispozitiva ovog Rješenja, a koja čini sastavni dio ovog Rješenja i ista se ovjerena, u skladu sa odredbama člana 114. stav (3) Zakona o vodama, od strane ove Agencije vraća podnosiocu zahtjeva na trajno čuvanje.
5. Vodna saglasnost se donosi pod sljedećim uslovima koje treba ispuniti u toku i nakon izvođenja radova na predmetnom lokalitetu:
 - 5.1. Da se uklanjanje materijala iz korita rijeke Krivaje na lokalitetu «MZ Brezik-uzvodno i nizvodno od lokalnog mosta» grad Zavidovići vrši u svemu prema ovjerenom Elaboratu iz tačke 1. dispozitiva ovog Rješenja, uslovima iz ove vodne saglasnosti i odredbama Ugovora broj: 30-652-58/22 zaključenog dana 02.08.2022. godine sa Agencijom.
 - 5.2. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa izvađenog materijala a za što je odgovoran Izvođač radova i Nadzorni organ imenovan od strane Agencije.
 - 5.3. Ukupna količina materijala (cca 7.553m³) koja je obuhvaćena ovom vodnom saglasnošću mora obavezno da se izvadi iz korita rijeke Krivaje na lokalitetu «MZ Brezik-uzvodno i nizvodno od lokalnog mosta», grad Zavidovići do roka propisanog Ugovorom tj. do 31.12.2022. godine.
 - 5.4. Korisnik je dužan da uredno vodi dnevnik rada sa tačno definisanim lokalitetom iskopa, dubinom iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.

- 5.5. Korisnik je obavezan u roku od 15 dana od dana prijema ovog vodnog akta dostaviti vremenski plan vršenja radova na vađenju materijala u skladu sa tačkom 3.1. Rješenja o prethodnoj vodnoj saglasnosti broj: UP-I/25-1-40-374-3/21 od 07.09.2021. godine a o datumu početka radova pismeno obavijestiti ugovorni organ radi uvođenja u ugovorene radove a sve u skladu sa članom 12. Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
- 5.6. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl., a građevinsku mehanizaciju, skladište tečnih goriva i maziva smjestiti izvan nivoa dopiranja velikih voda rijeke Krivaje.
- 5.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda rijeke Krivaje a u skladu sa važećim propisima o postupanju sa otpadom.
- 5.8. Izvođač radova je obavezan svakodnevno voditi evidenciju vađenja materijala sa tačnim količinama izvađenog materijala na obrascu građevinskog dnevnika a u skladu Uredbom o uređenju gradilišta, obaveznoj dokumentaciji na gradilištu i učesnicima u građenju («Službene novine Federacije BiH», broj 99/14).
- 5.9. Namjeravano vađenje materijala treba da se vrši u skladu sa dokumentom «Saglasnost za vađenje šljunka iz rijeke Krivaje na lokalitetu «BREZIK» broj: 025/22 izdatom dana 02.09.2022. godine od strane UG Sportskih ribolovaca «KRIVAJA» Zavidovići.
- 5.10. Korisnik vodne saglasnosti je u obavezi da obezbijedi stručno lice geodetske struke sa osnovnim zadatkom kontinuiranog praćenja tačnosti kota i geometrije korita na terenu prilikom izvođenja radova u odnosu na podatke date u Elaboratu, kao i količina koje se u toku dana izvade.
- 5.11. Zagate, napere i pomoćne objekte i zahvate u koritu koji prilikom vađenja materijala iz korita služe za lakše izvođenje određenih radova, izvesti na način da isti što manje ugrožavaju proticajni profil rijeke Krivaje a nakon završetka radova iste je potrebno ukloniti i korito, obale i okolni teren dovesti u prvobitno stanje. **Zabranjeno je deponovanje materijala (privremeno i trajno) na mjestu vađenja, te je isti nakon kratkog procjeđivanja potrebno odvoziti na planiranu deponiju lociranu izvan inundacionog pojasa rijeke Krivaje (plavnog područja).**
- 5.12. Materijal iz korita koji nema upotrebnu vrijednost (mulj, jalovina, rastinje, krupno kamenje, zemlja i sl) a koji se u postupku vađenja materijala u cilju obezbjeđenja proticajnog profila uklanjanja, potrebno je propisno zbrinuti izvan inundacionog pojasa rijeke Krivaje.
- 5.13. U toku izvođenja radova na vađenju materijala Izvođač radova je dužan održavati u ispravnom stanju pristupnu saobraćajnicu i nakon završetka radova obavezan je da teren i pristupnu saobraćajnicu dovede u prvobitno stanje.
- 5.14. Po završetku vađenja materijala, isteka vodne saglasnosti ili raskida Ugovora, korisnik vodne saglasnosti je dužan uraditi kontrolni Elaborat izvađenih količina materijala iz korita, tj. izvršiti kontrolno geodetsko snimanje poprečnih profila u skladu sa izdatom vodnom saglasnosti, a dokumentaciju o izvršenom kontrolnom snimanju sa bilansom masa dostaviti Agenciji kao ugovornom organu u pisanom obliku i elektronskoj formi.
- 5.15. Vađenje materijala vršiti isključivo prema snimljenom uzdužnom i poprečnim profilima počevši od nizvodnog profila i gurajući materijal u trakama odgovarajućom mehanizacijom (buldozer ili bager-rovokopač).
- 5.16. Transport i manipulacija se vrši samo sa prethodno ocijeđenim materijalom zbog mogućnosti prljanja kolovoznih površina na koju se navedeni lokalitet priključuje.
6. Korisnik ove vodne saglasnosti dužan je dostaviti Agenciji mjesečni izvještaj – popunjen i ovjeren obrazac «IMV» o izvađenim količinama materijala iz korita rijeke Krivaje a plaćanje posebne vodne naknade u iznosu od 1.51 KM po 1m³ za izvađene količine materijala izvršiti na način definisan članom 4. Ugovora broj: 30-652-58/22 zaključenog dana 02.08.2022. godine sa Agencijom.
7. Materijal izvađen po osnovu ove vodne saglasnosti, Ugovora zaključenog između Agencije i «BN TRANSPORT» d.o.o. Zavidovići, za koji je od strane izvođača radova izvršeno plaćanje naknade iz člana 4. navedenog Ugovora, postaje vlasništvo izvođača radova.

8. Ukoliko se prije početka kao i u toku provođenja aktivnosti na vađenju materijala na predmetnom lokalitetu u MZ Brezik, grad Zavidovići - uzvodno i nizvodno od mosta preko rijeke Krivaje, utvrdi da nije moguće realizovati planirane aktivnosti zbog pristupne saobraćajnice do lokaliteta vađenja materijala, Izvođač radova je dužan riješiti imovinsko-pravne odnose sa vlasnicima i posjednicima zemljišta na zemljišnim česticama u roku koji mu propiše Agencija ili u suprotnom gubi pravo na vađenje materijala dodijeljeno ovim vodnim aktom.
9. Ova vodna saglasnost, ovjereni Elaborat iz tačke 1. Rješenja, Ugovor o vađenju materijala zaključen sa Agencijom, moraju se nalaziti na mjestu izvođenja radova a za što je odgovorno ovlašteno lice Izvođača radova.
10. Ukoliko se, kao posljedica radova, oštetiti korito i obale rijeke Krivaje u zoni izvođenja radova ili nanese štete trećim licima, sva oštećenja se moraju sanirati i štete nadoknaditi o vlastitom trošku Izvođača radova.
11. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti za sprečavanje širenja onečišćenja i na otklanjanju uzroka onečišćenja.
12. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
13. Prava stečena po ovoj vodnoj saglasnosti ne mogu se prenositi na treća lica, a ista prestaju u skladu sa odredbama Zakona o vodama.

O b r a z l o ž e n j e

Pravno lice, «BN TRANSPORT» d.o.o. Zavidovići, se dana 12.09.2022. godine pismenim zahtjevom obratilo ovoj Agenciji tražeći izdavanje vodne saglasnosti za aktivnost vađenja materijala iz korita rijeke Krivaje na lokalitetu «MZ Brezik-uzvodno i nizvodno od lokalnog mosta», grad Zavidovići, prema dokumentaciji: *Elaborat – Eksploatacija riječnog materijala iz korita rijeke Krivaje na lokalitetu MZ Brezik u neposrednoj blizini mosta preko rijeke Krivaje, urađen od strane «SENDO» d.o.o. Sarajevo, broj: 501-08—i/22, august 2022. godine*) a u cilju ostvarivanja prava na vađenje materijala na dijelu zemljišnih čestica označenih kao k.č. broj: 3848/1 K.O. Hajdarevići i k.č. broj 1762 K.O. Krivaja, grad Zavidovići, dodijeljenog Ugovorom broj: 30-652-58/22 od 02.08.2022. godine.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-22-000102 izdatog dana 18.01.2022. godine od strane Općinskog suda u Zenici,
- Kopija Uvjerenja o poreznoj registraciji izdatog dana 13.01.2017. godine od strane Porezne uprave Federacije BiH - Kantonalni porezni ured Zenica,
- Kopija katastarskog plana za parcelu označenu kao k.č. broj: 3785/1 K.O. Hajdarevići, grad Zavidovići izdatog dana 22.09.2022. godine od strane Službe za upravu geodetskih, imovinsko-pravnih poslova i urbanizma Grad Zavidovići,
- Kopija izvoda iz Posjedovnog lista broj: 87 za parcelu označenu kao k.č. broj: 3785/1 K.O. Hajdarevići, grad Zavidovići izdatog dana 22.09.2022. godine od strane Službe za upravu geodetskih, imovinsko-pravnih poslova i urbanizma Grad Zavidovići,
- Kopija Zemljišnoknjižnog izvatka broj: 042-0-NAR-22-002031 ZK uložak broj: 59 za parcelu označenu kao k.č. broj: 3785/1 K.O. Hajdarevići, grad Zavidovići izdatog dana 26.09.2022. godine od strane Zemljišnoknjižnog ureda Općinski sud Zavidovići,
- Kopija rješenja o prethodnoj vodnoj saglasnosti broj: UP-I/25-1-40-374-3/21 izdatog dana 07.09.2021. godine od strane «Agencija za vodno područje rijeke Save» Sarajevo,
- Kopija Ugovora broj: 30-652-58/22 o vađenju materijala iz vodotoka rijeke Krivaje na lokalitetu «MZ Brezik-uzvodno i nizvodno od lokalnog mosta», grad Zavidovići zaključenog dana 02.08.2022. godine između «Agencije za vodno područje rijeke Save» Sarajevo i pravnog lica «BN TRANSPORT» d.o.o. Zavidovići,
- Elaborat – Eksploatacija riječnog materijala iz korita rijeke Krivaje na lokalitetu MZ Brezik u neposrednoj blizini mosta preko rijeke Krivaje, urađen od strane «SENDO» d.o.o. Sarajevo broj: 501-08—i/22, august 2022. godine),

- Saglasnost broj: 025/22 za vađenje materijala iz korita rijeke Krivaje na lokalitetu «Brezik» u Zavidovićima izdata dana 02.09.2022. godine od strane UG Sportskih ribolovaca «KRIVAJA» Zavidovići,
- Izjava Birnasa Parića - direktor «BN TRANSPORT» d.o.o. Zavidovići o riješnim imovinsko pravnim odnosima za pristupni put do lokacije eksploatacije materijala iz korita rijeke Krivaje preko privatne parcele data 22.08.2022. godine,
- Izjava Birnasa Parića - direktor «BN TRANSPORT» d.o.o. Zavidovići o mogućnošću korištenja parcele označene kao k.č. broj: 403 K.O. Mustajbašići, grad Zavidovići za deponovanje materijala data 10.10.2022. godine,
- Potvrda za korištenje parcele označene kao k.č. broj: 3785/1 K.O. Hajdarevići, grad Zavidovići u svrhu deponovanja materijala izvađenog iz korita rijeke Krivaje sa lokaliteta Brezik i Pjenovac potpisana i ovjerena od strane Edhem Sojkić – predsjednik MZ Brezik, Grad Zavidovići,
- Dokaz o uplaćenju upravnoj taksi.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti broj: UP-I/25-1-40-374-3/21 izdatog dana 07.09.2021. godine od strane «Agencije za vodno područje rijeke Save» Sarajevo.

U narednom tekstu su pobrojane tačke u kojima su propisani uslovi u navedenom Rješenju o PVS i konstatacije vezane za ispunjenje istih:

Tačka 3.1.: Za potrebe izrade ovog Elaborata urađeno je:

- Geodetski snimak aktuelnog stanja na predmetnim lokacijama sa prikazom i rasporedom materijala koji se uklanja sa elementima iskolčenja profila;
- Grafički prilozi sa poprečnim profilima od PR1 do PR8 (uzvodno mosta) i PR1 do PR5 (nizvodno od mosta) u mjerilu MJ 1:250 urađenim na prosječnom rastojanju cca 30m, uzdužnim profilom MJ (1:100/100) i situacijom MJ 1:500;
- Radovi bi se vršili korištenjem standardne mehanizacije i na uobičajen način tako što bi se u trakama uklanjao materijal iz korita vodotoka od nizvodnog ka uzvodnom dijelu sprudišta;
- Dinamički plan realizacije aktivnosti proizilazi iz člana 9. Ugovora, tj. krajnji rok do 31.12.2022. godine;
- Prezantiran je tabelarni proračun količina materijala koji se treba izvaditi iz korita rijeke Krivaje na predmetnoj lokaciji;

Tačka 3.2.: Priložena je Saglasnost za vađenje šljunka iz korita rijeke Krivaje na lokalitetu «BREZIK» izdata od strane UG Sportskih ribolovaca «KRIVAJA» Zavidovići.

Tačka 3.3.: Pristupni put do lokacije vađenja materijala omogućen je sa lokalnog puta i dijela parcele označene kao k.č. broj: 225/2 K.O. Krivaja kako je i ucrtano u dostavljenom Elaboratu (priložena Izjava o riješnim imovinsko pravnim odnosima za prilaz vodotoku preko privatne parcele). Izvađeni materijal će se direktno odvoziti na deponiju predviđenu u naselju Brezik uz regionalnu saobraćajnicu R467 na dijelu parcele označene kao k.č. broj: 3785/1 K.O. Hajdarevići, grad Zavidovići (parcela je označena kao DRSV-Općina Zavidovići; priložena potvrda predsjednika MZ Brezik o korištenju parcele za deponovanje šljunka sa lokaliteta Brezik i Pjenovac sa kopijom katastarskog plana, Posjedovnog lista i ZK izvatka). Udaljenost deponije od eksploatacionih polja je cca 550m. Do lokacije deponovanja omogućen je pristup sa regionalne saobraćajnice kroz naselje Brezik.

Tačka 4.: Podnosilac zahtjeva je za potrebe izrade projektne dokumentacije angažovao projektnu kuću «SENDO» d.o.o. Sarajevo, koja posjeduje ovlaštenje za izradu projektne dokumentacije broj: UP-I-07-02-21/2-1116/20 od 17.08.2020. godine, prema Pravilniku o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08 i 38/12).

Tačka 5.: Podnosilac zahtjeva je priložio svu potrebnu dokumentaciju navedenu pod ovom tačkom Rješenja o prethodnoj vodnoj saglasnosti.

Na osnovu utvrđenog činjeničnog stanja i dostavljene dokumentacije, ovim aktom su, tačkama 4. i 5. dispozitiva Rješenja, shodno odredbama člana 114. Zakona o vodama i člana 7. i 10. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15), propisani uslovi koje je potrebno ispuniti u toku provođenja planiranih aktivnosti.

NAPOMENA: Aktivnost vađenja materijala iz vodotoka je proistekla kao obaveza nadležnih organa za upravljanje vodama propisana članom 81. Zakona o vodama i odnosi se na održavanje vodotoka i vodnog dobra i ne provodi u cilju formiranja šljunkara i eksploatacionih polja za iskop pijeska i šljunka. Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta

Nermina Hodžić, dipl.ing.građ.

- Prilog: Ovjeren Elaborat – Eksploatacija riječnog materijala iz korita rijeke Krivaje na lokalitetu MZ Brezik u neposrednoj blizini mosta preko rijeke Krivaje, urađen od strane «SENDO» d.o.o. Sarajevo, broj: 501-08—i/22, august 2022. godine),

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «BN TRANSPORT» d.o.o. Zavidovići
Vikovići bb, 72220 Zavidovići (prilog)
- AVP Sava, ISV-vodna knjiga
- Sektor 50
- Sektor 40
- Oglasna ploča – AVP Sava